

Txirritola

ARAMAIO / Barikua / 2002ko azaroaren 22a / 48. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Iturbide egoitzan sartu ahal den aramaioarren kopurua, zehaztuta

UBANE MADERA

Arrasateko Udalak zehaztu egin du zenbat aramaioar sartu ahal izango diren Arrasateko Iturbide egoitzan. Horren ondorioz, oraingo asteko Gobernu batzordeak onartutakoaren arabera, lau aramaioar sartu ahal izango dira Arrasateko egoitzan. Gaur egun, bi lagun daude Iturbide egoitzan.

Aramaioar askok Arrasate alde-ara egiteko joera dute, batez ere, gertutasunarengatik. Gauza bera gertatzen da herriko pertsona nagusiekin. Haiendako eta haien senitartekoendako askoz eroso-agoa da Arrasateko egoitzara joatea Gasteizko egoitzaren batera joatea baino.

Hori dela eta, Arrasateko Iturbide egoitzan lekua gordeko diete aramaioarrei; hau da, Deba-

goieneko bestelako herrietako pertsona nagusiei ematen zaien tratua bera emango diete. Horren ondorioz, oraingo asteko Arrasateko Gobernu batzordeak erabaki duenez, Aramaioako lau lagunendako lekua izango dute Arrasaten. Hain zuzen ere, euren bizimoduan bestelako pertsonen beharra duten Aramaioako lau pertsona nagusi sartu ahal izango dira Iturbiden; hau da, beste-ekiko dependenzia dutenak edo dependenzia handia dutenak.


Lau pertsona horien finantzaketari dagokionez, berriz, hitzarmena sinatu beharko dute Arabako Foru Aldundiak eta Arrasateko Udalak. Edozelan ere, foru aldundiek ezarri berri duten dekretu berriak arautuko ditu zerbitzu horren ordainketaren nondik norakoak.

Arrasateko Udaleko Gizarte Saileko teknikari Iñigo Garitanok esan digunez, lehendik ere badira aramaioarrak Iturbiden; kontua da, oraintsu, egoitza horretan sartzeko sistema aldatu egin dutela eta zehaztu egin dutela sartu ahal diren aramaioarren kopurua. Iñigo Garitanok gaineratu digunez, gaur egun, bi aramaioar daude Iturbide egoitzan, eta beste bik egoitzan sartzeko eskera egina dute.



IKER BARANDIARAN

Gaur egun, Aramaioako bi lagun daude Iturbide egoitzan.



Aitor Unamuno, bigarren, Araban

Aitor Unamuno aramaioarrak bigarren postua eskuratu zuen joan den zapatuan, hilaren 16an, Koartangon jokatu zen Arabako Ehiza Txapelketan. Kontatu digunez, berarekin joan zen epaileak istripu txiki bat izan zuen, eta, horren ondorioz, proba irabazi zuena baino hiru minutu geroago sartu ziren kontrolera. Hori bai, txapeldunak berak bezain beste txori botatzea lortu zuen. Eta, jakina, bigarren postua eskuratu zuenez, abenduaren 1ean jokatu den Euskal Herriko Ehiza Txapelketan parte hartuko du aramaioarrak. Gainera, Ekaitz Abarrategi aramaioarra eramango du Aitorrek epaile gisa.

Idazkari lanpostua betetzeko deialdia

UBANE MADERA

Aramaioako Udaleko idazkari Aitor Leturiondo badoala-eta, haren ordezkoa hartzeko lanpostu deialdia egin du Aramaioako Udalak. Interesa duenak curriculumak aurkeztu beharko du datorren azaroaren 28a baino lehen. Esperientzia izatea baloratuko dute.

Idazkari eta kontu-hartzaile lanpostua betetzeko deialdia egin du Aramaioako Udalak. Zuzenbide Politika Zientzietan eta Soziologia edo Ekonomia eta Enpresa Zientzietan diplomadunendako edo lizentziadunendako zuzendu dute deialdia. Era berean, beharrezkoa izango da Laugarren Hiz-

kuntza Eskakizuna izatea. Edozelan ere, hirugarrena dutenak ere aurkeztu ahal izango dira lanposturako, eta gero, euskara frogare egingo diete.

Aramaioako Udaletik jakinaz, digutenez, lanpostua betetzeko interesa dutenen curriculumak jasoko dituzte, eta gero, epaimahai batek hamar aukeratu dituzte. Hamar horiei elkarriketa egingo diete, eta lanpostura ondoen egokitzen dena aukeratu dute. Curriculumak eguna (azaroaren 28a) baino lehen aurkeztu beharko dira.

Informazio zabalgoa gura duenak Aramaioako Udalera dei dezake (945 44 50 16) edo Aramaioako Udalaren helbide elektronikora idatzi (udala@aramaio.org).



Langileak idazkari eta kontu-hartzaile lanpostua beteko du Udalean.

TXIRRITOLA

LABUR

San Martin Eguneko zozketako irabazle bila

Oraindik ez dira agertu San Martin egunean egin zen zozketaren irabazleak. Hiru sari ziren: lehenengoa, txerri eder askoa, 1.271. zenbakiak eskuratu du. Bigarrena, bost kilo txuleta, 340. zenbakiak eskuratu du; eta hirugarrena, bi lagunendako bazkari edo afari goxoa, 1.178. zenbakiak eskuratu du. Hortaz, komeni da irabazleak lehenbailehen joatea sari bila. Antolatzaileek, Barea Pilota Elkarteak, alegia, hila-bete eman du sariok hartzeko.

TELEFONO JAKINGARRIAK

OSASUNA / LARRIALDIK

Osasun etxea (bandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuiko Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoaren duten orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan delitu behariko dute honako zenbaki honetara: 629 54 59 23

OHARRAK

SANTA ZEZILIA EGUNA

Musikarien zaindariaren eguna ospatuko du Bizente Goikoetxea Abesbatzak domekan, hilaren 24an. 12:00etan, Abesbatzak meza abestuko du, eta 14:30ak inguruan bazkaria egingo dute. Bestalde, dagoeneko Gabonetako kontzertuak gertatzen ari dira. Izan ere, besteak beste, abenduaren 28an, Alegría-Dulantzin (Araba) abestuko dute.

ZINEA

Monstruos SA filma aukeratu dute oraingo domekarako. Betiko moduan, kultura etxean izango da film emanaldia, 17:00etan.

TXANGOAGURAINERA

Itur-Zuri Emakume Elkar-
teak antolatuta, Agurainera txangoa izango da datorren abenduaren 14an. Besteak beste, moja klaratarren komentua eta Aguraingo alde zaharra bisitatuko dituzte. Irteera 15:30ean izango da, eskolatik, eta itzulera, 20:00etan. Bazkide-
ek hiru euro ordaindu behariko dituzte eta bazkide-
ek ez direnek, bost. Izena emateko azken eguna azaroaren 29a izango da.

ARETO FUTBOLA



Emitza ezin hobea aurreneko partiduan

Argazkian duzue Bañerako kadeteen aurtengo talde ofiziala. Alberto Unzalu entrenatzaileak gidatuko ditu gazteak. Joan den zapatuan jokatu zuten lehen partidua, eta emitza ezin hobea ekarri zuten: 16-2 irabazi zioten San Jose taldeari. Hurrengo partidua bihar, zapatua, jokatuko dute Izarrako Lan eta Jolas taldearen kontra, 11:30ean etxean. Bestalde, Bañerako nesken taldeak ere zapatuan jokatuko du lehen partidua, 11:00etan, Hegoalde kiroldegian, Virgen Niña taldearen kontra. Eta gazte mailakoek, Urgatziren kontra dute partidua, 10:30ean, etxean.

ARAMAIOKO AUZOAK



Idatzi berezia Gantzagatik

Juen dan asteko argazkixen seigarren muslarixe falta zala eta...barriri be argazkixak errebeletan eruen dittuau, eta beittizue zer agertu dan! Markos Beetikue bere bikotekidiei datorren urterako animuek emuten! Hau da monagillue hau! Txapelketan hirugarren lekureino heldu ei zien, beñe deabrukerixan bat tarteko. Horren bildurrez, datorren urtien mus partida danetan abareren bat egongo ei da, pentsamendu txar eta joku okerrrik gertau ez dein. Bixen bittartien, errezaug daigun Ave Mariatxo bat gure muslari arimie garbi mantendu daigun. Amen

BOTEPRONTOAN/ Olga Jauregi · Liburutegiko arduraduna

“Ez da askorik irakurtzen, baina irakurtzeko ohitura dutenek asko irakurtzen dute”

Aramaioko jende askok eza-
gutzen du Olga Jauregi, Ahura da-eta herriko liburutegiko arduraduna. Aramaio-
arra da Olga, kalekoa, haren esanetan. Geografia eta Historia ikasi du, baina, gaur egun moduan, liburu artean murgilduta ibili izan da urte askoan:

Noiztik zara liburutegiko arduraduna?

Iaztik, urria ezker; hain zuzen, kultura etxea inauguratu zutenetik. Baina lehenago ere ibili nintzen, liburutegi zahar-
rean, Mari Tere erretiratu zenean: 1988tik 1992ra arte. Gero, Arrasaten ere ibili naiz, Santa Marinako liburutegian eta Monterronen; baita Eskoriatzako Udal Liburutegian ere, beste hiru urtez.

Liburuak oso gustuko dituzulako zabilta liburuzain?

Gustatzen zait irakurtzea, eta irakurtzen dut; baina kontua da liburutegietan hasi nintzela lanean, eta hementxe jarraitzen dut; gainera, lana atsegina da. **Zelako irakurleak dira aramaiokarrak?**

Orokorrean, alde guztietan antzera ibiliko direla uste dut. Ez da askorik irakurtzen, baina irakurtzeko ohitura dutenek asko irakurtzen dute. Badira



“7.000 liburu inguru ditugu hemen, gaztelaniaz gehiago izango dira euskaraz baino”

batzuk noizbehinka datozenak...

Zer irakurtzen dute, bereziki, Aramaioko emakumeek, gizonak eta umeek?

Emakumeek, bereziki, emakumeendako idatzitako nobelak, nobela erromantikoak (Victoria Holt, Danielle Steel,...); bestalde, badira Noah Gordon, Ken Follet eta horrelako idazleak. Irakurtzeko liburu errazak dira, nahiz eta potoloak izan, samur irakurtzen direnak. Gizonek, berriz, gurago izaten dituzte intrigazkoak, hilketak... Eta, azkenik, umeengan asko sartu dira ordenagailuak, hor ibiltzen dira. Baina irakurri ere irakurtzen dute, abenturazko eta beldurrezko nobelak, batez ere, baita komikiak ere: *Harry Potter*, *Manolito Gafotas*... **Zenbat liburu dituzue hemen?**

7.000-edo. Gaztelaniaz gehiago izango dira euskaraz baino; edozelan ere, azken urteotan, urtean euskaraz idatzitako liburu gehienak Eusko Jaurlaritzak bidaltzen dizkigu, eta, horren ondorioz, euskarazko liburu dezente daude. Berritasunak ere beti erosi behar izaten ditugu...

Eta bideoak ere badira...

Gutxi, baina gaztetxoendako zerbait bai; diru askorik ez dugu, hortaz... Eta hiru ordenagailu ere badira. Denetik dute ordenagailuek, baita Internet ere, eta doan da. Fotokopiagailua ere badugu, inpresora, aldizkariak...

Ondo hornituta, orduan; edozelan ere, igartzen duzu zerbait faltan?

Liburuak erosteko nahiko mugatuta gaude diru aldetik, eta ibiltzen gara arlo guztiak betetzeko ahaleginetan. Bestalde, animazio ekintzetarako ere ez litzaiguke gaizki etorriko dirulaguntza gehiago. **Gomenda iezaguzu liburu politen bat...**

Umeendako, *Harry Potter*. Emakumeendako zein gizonendako, Ken Folleten *Los Pilares de la Tierra*. Eta euskaraz, berriz, Unai Elorriagaren *SPrako tranbia*.

“Liburuak erosteko nahiko mugatuta gaude diru aldetik eta ibiltzen gara arlo guztiak bete nahian”